

Šešelj persona non grata u Bosni i Hercegovini

U ime Visokog Predstavnika, Ambasador Jacques Paul Klein, Glavni zamjenik Visokog Predstavnika, je prošle noći proglasio Vojislava Šešelja *persona non grata* (nepoželjnim) u Bosni i Hercegovini i naredio mu da odmah napusti teritoriju Bosne i Hercegovine.

Ova akcija je preduzeta u skladu sa ovlaštenjima Visokog predstavnika shodno sa Aneksom 10, Daytonskog sporazuma, po interpretaciji iz Bonske Deklaracije. Šešeljeve aktivnosti i izjave, i za vrijeme rata i u zadnje vrijeme pružaju očit dokaz da bi njegova prisutnost u Bosni i Hercegovini predstavljala čin koji je štetan za implementaciju Daytonskog sporazuma, te mješanje u unutrašnje poslove Bosne i Hercegovine.

Ured Visokog Predstavnika, zajedno sa SFOR-om, obavijestio je Predsjednika Republike Srpske, Nikolu Poplašena i Šešelja o ovoj odluci u Hotelu Bosna u Banja Luci, gdje je Šešelj odsjeo. Šešelj se složio da odmah napusti teritoriju Bosne i Hercegovine. Otišao je iz hotela otprilike oko 1:20 sati, 14. novembra i napustio Bosnu i Hercegovinu otprilike oko 4:30 sati. Njegov odlazak je bio nadgledan od strane SFOR jedinica.